



Broj:01-01-2128/22-JN
Sarajevo, 22.12.2022.godine

Na osnovu člana 64. stav (1) tačka b), člana 70. stav (1), (3) i (6), Zakona o javnim nabavkama („Službeni glasnik BiH“, broj 39/14 i 59/22), člana 13. stav (2) Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 05/1-0544-UO/15 od 30.03.2015. godine i člana 5. Pravilnika o izmjenama Pravilnika o nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-3012-UO/17 od 29.12.2017. godine, a na osnovu Preporuke Komisije za javne nabavke, broj: 2128-2/22-JN od 22.12.2022.godine, u ponovnom postupku odlučivanja, javne nabavke - LOT 2 Usluge osiguranja imovine, za potrebe Javne ustanove „Služba za zapošljavanje Kantona Sarajevo“ Sarajevo v.d. direktorica *d o n o s i*

O D L U K U **o izboru najpovoljnijeg ponuđača**

Član 1

Prihvata se Preporuka Komisije za javne nabavke broj: 2128-2/22-JN od 22.12.2022.godine i ugovor za javnu nabavku - LOT 2 Usluge osiguranja imovine, za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču „Triglav Osiguranje“ d.d. Sarajevo, ponuda broj: 08-6854/22 od 15.06.2022.godine, za ponuđenu cijenu u iznosu od 19.200,00 KM bez uračunatog PDV-a, za period od 3 (tri) godine, period trajanja Okvirnog sporazuma, kao najbolje ocijenjenom ponuđaču.

Član 2

Prijedlog ugovora dostavit će se na potpis izabranom ponuđaču „Triglav Osiguranje“ d.d. Sarajevo, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude, uz obavezu da dostavi dokaze o ispunjvanju uslova za kvalifikaciju i to na način i u formi kako je zahtijevano tenderskom dokumentacijom, u roku od 5 (pet) dana, ukoliko iste nije dostavio uz ponudu.

Član 3

Za izvršenje ove Odluke zadužuje se i ovlašćuje Jedinica za nabavke.

Član 4.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

Obrazloženje

Postupak predmetne nabavke, pokrenut je Odlukom o pokretanju postupka javne nabavke usluge osiguranja: LOT 1 - Usluge kasko osiguranja službenih vozila, AO; LOT 2 - Usluge osiguranja imovine; LOT 3 - Usluge kolektivnog osiguranja zaposlenika za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-0735/22 od 11.05.2022. godine.

Javna nabavka provedena je putem otvorenog postupka za dostavu ponuda.

Procijenjena vrijednost predmetne nabavke za LOT 2 Usluge osiguranja imovine, iznosi 19.200,00KM bez PDV-a, (6.400,00KM godišnje x 3).

Za ovu nabavku predviđeno je zaključivanje Okvirnog sporazuma, na period 3 (tri) godine, i to sa 1 (jednim) ponuđačem za svaki LOT.

Slijedom navedene Odluke, dana 03.06.2022. godine, izvršeno je objavljivanje Obavještenja o nabavci, broj: 774-1-2-22-3-24/22. na Portalu javnih nabavki.

Nakon isteka roka predviđenog za dostavljanje ponuda, Komisija za javne nabavke imenovana Rješenjem broj: 01-01-34-0399/22 od 11.03.2022. godine, pristupila je otvaranju pristiglih ponuda za LOT 2 - Usluge osiguranja imovine, dana 24.06.2022. godine, sa početkom u 10:30h, te konstatovala da su blagovremeno pristigle ponude sljedećih ponuđača: Sarajevo Osiguranje d.d., Triglav Osiguranje d.d. Sarajevo, Wiener Osiguranje i Asa Osiguranje d.d. Sarajevo, te da neblagovremeno pristiglih ponuda nije bilo, o čemu je sačinila odgovarajući Zapisnik.

Dana 27.07.2022. godine, nezadovoljan odlukom ugovornog organa za nabavku LOT 2-Usluge osiguranja imovine, broj: 01-01-1274/22 JN od 19.07.2022. godine, ponuđač „Triglav Osiguranje“ d.d. Sarajevo, podnosi žalbu. Postupajući po Rješenju Ureda za razmatranje žalbi, Filijala/ Podružnica Mostar (u daljem tekstu: URŽ) broj: JN2-03-07-1-2152-9/22 od 08.09.2022. godine, te na osnovu činjenica iznesenih okvirom istog rješenja, dana 07.10.2022. godine, ugovorni organ donio je Odluku o poništenju postupka za LOT 2-Usluge osiguranja imovine, broj: 01-01-1751/22 JN, na koju ponuđač „Triglav Osiguranje“ d.d. Sarajevo, izjavljuje žalbu. Nadalje, u postupku rješavanja po žalbi žalitelja broj: 08-12555/22 od 14.10.2022. godine, URŽ je Rješenjem, broj: JN2-03-07-1-2951-9/22 od 18.11.2022. godine, potvrdio osnovanost žalbenih novoda, poništio osporavanu Odluku i predmet vratio ugovornom organu na ponovni postupak.

Slijedom prednjeg, Komisija za javne nabavke, imenovana Rješenjem broj: 01-01-34-0399/22 od 11.03.2022. godine, postupajući po Rješenju URŽ-a, broj: JN2-03-07-1-2951-9/22 od 18.11.2022. godine, u ponovnom postupku odlučivanja, pristupila je ponovnoj evaluaciji svih pristiglih ponuda, o čemu je sačinila odgovarajući Zapisnik broj: 2128-1/22 JN od 13.12.2022. godine, te u istom navela sljedeće konstatacije, a iste se odnose na LOT 2 Usluge osiguranja imovine:

- Uvidom u ponudu ponuđača „Sarajevo osiguranje“ d.d., ustanovljeno je da je isti dostavio Izjavu o ukupnom prometu u segmentu poslovanja koji je predmet ugovora, međutim ista nije ovjerena kod nadležnog organa, što je bila obaveza u skladu sa zahtjevom ugovornog organa iz tačke 5.3.2. pod a) TD, kako dalje navodi, time ponuda nije validna i ne može biti predmet dalje evaluacije.

- Nadalje razmatrajući ponude ponuđača: „Asa Osiguranje“ d.d. Sarajevo i „Wiener Osiguranje“ d.d., ustanovljeno je da Potvrde o solventnosti nisu u skladu sa pojašnjenjem ugovornog organa u vezi sa tenderskom dokumentacijom od 08.06.2022. godine, jer dostavljenim potvrdama nisu dokazali da im računi nisu blokirani u posljednjih 12 mjeseci, računajući od dana objave obavještenja o nabavci 03.06.2022. godine, što ponude ovih ponuđača čini neprihvatljivim za dalju evaluaciju.

- Prilikom ponovne evaluacije i ocjene ponude ponuđača „Triglav Osiguranje“ d.d. Sarajevo, ponuda broj: 08-6854/22 od 15.06.2022.godine, uzeti su u obzir navodi URŽ-a, prema kojim je isti

postupio u skladu sa datim pojašnjenjem iz TD, koje je objavljeno na Portalu javnih nabavki 08.06.2022. godine, te dostavio potvrdu o solventnosti kojom dokazuje da mu glavni račun nije bio blokiran u posljednjih 12 mjeseci, računajući od dana objave obavještenja o nabavci 03.06.2022. godine.


Iz svega navedenog proizilazi da je ponuđač „Triglav Osiguranje“ d.d. Sarajevo, jedini kvalifikovani ponuđač u postupku nabavke LOT 2-Usluge osiguranja imovine, te se rezultati provedene e-aukcije, poništavaju, shodno članu 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), a shodno tome data je i Preporuka Komisije broj: 2128-2/22-JN od 22.12.2022.godine o izboru navedenog ponuđača kao najpovoljnijeg.

U postupku donošenja ove Odluke posebno su cijenjene činjenice da je Komisija postupila shodno stavovima URŽ-a, iznesenim u Rješenju broj: JN2-03-07-1-2152-9/22 od 08.09.2022. godine i Rješenju broj: JN2-03-07-1-2951-9/22 od 18.11.2022. godine, a u odnosu na žalbene navode žalitelja, u ponovnom postupku, te pravilno i potpuno izvršila ocjenu kvalificiranosti ponuđača i ocjenu prispjelih ponuda shodno kriterijima traženim okvirom TD, sve u skladu sa pravilnom primjenom Zakona o javnim nabavkama i podzakonskim aktima iz oblasti javnih nabavki.

Cijeneći naprijed navedeno, primjenom člana 64. stav (1) tačka b), člana 70. stav (1), (3) i (6), Zakona o javnim nabavkama („Službeni glasnik BiH“, broj 39/14 i 59/22), odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama BiH.



VD DIREKTORICA

Edina Ljubuškić

Dostaviti:

- Svim učesnicima u postupku javne nabavke,
- Komisiji za javne nabavke,
- Evidenciji,
- A/a.

